

MIŠLJENJE

po Zahtjevu Agencije za javne nabavke Bosne i Hercegovine na prijedlog Odluke o obliku izjave o ispunjenosti uslova iz člana 51. stav (1) tačke: c), d) i f) Zakona o javnim nabavkama u slučaju ograničenog postupka, pregovaračkog postupka s objavom obavještenja, pregovaračkog postupka bez objave obavještenja o nabavci i takmičarkog dijaloga

**Sarajevo,
Decembar 2022. godine**

Broj: 01-26-7-24-3/22
Sarajevo, 14.12.2022. godine

Konkurencijsko vijeće Bosne i Hercegovine, na osnovu člana 25. stav (2) Zakona o konkurenciji ("Službeni glasnik BiH", br. 48/05, 76/07 i 80/09), a na zahtjev Agencije za javne nabavke Bosne i Hercegovine, Maršala Tita 9a/I, 71000 Sarajevo, Bosna i Hercegovina, zaprimljen dana 24.10.2022. godine pod brojem: 01-26-7-24-1/22, na 112. (stotinudvanaestoj) sjednici održanoj dana 14.12.2022. godine, donijelo je

Mišljenje

Agencija za javne nabavke Bosne i Hercegovine, Maršala Tita 9a/I, 71000 Sarajevo, Bosna i Hercegovina (u daljem tekstu: Agencija za javne nabavke BiH ili Podnosilac zahtjeva), je podnijela Konkurencijskom vijeću Bosne i Hercegovine (u daljem tekstu: Konkurencijsko vijeće) Zahtjev za davanje mišljenja (u daljem tekstu: Zahtjev) na dostavljeni Prijedlog Odluke o obliku izjave o ispunjenosti uslova iz člana 51. stav (1) tačke: c), d) i f) Zakona o javnim nabavkama u slučaju ograničenog postupka, pregovaračkog postupka s objavom obavještenja, pregovaračkog postupka bez objave obavještenja o nabavci i takmičarkog dijaloga (u daljem tekstu: prijedlog Odluke), zaprimljen dana 24.10.2022. godine pod brojem: 01-26-7-24-1/22.

Kako se navodi u Obrazloženju prijedloga Odluke, razlozi za donošenje istog su usklađivanje sa Zakonom o izmjenama i dopunama Zakona o javnim nabavkama ("Službeni glasnik BiH", broj 59/22), odnosno:

Članom 1. prijedloga Odluke propisuje se predmet Odluke, a koji je u vezi davanjem izjava o ispunjenosti uslova iz člana 51. stav (1) tačke: c), d) i f) Zakona o javnim nabavkama, u slučaju ograničenog postupka, pregovaračkog postupka s objavom obavještenja, pregovaračkog postupka bez objave obavještenja o nabavci i takmičarskog dijaloga.

Članom 2. stav (1) prijedloga Odluke utvrđuje se da se izjava iz člana 1. Odluke daje u obliku obrasca koji je sastavni dio Odluke, dok se stavom (2) utvrđuje da se riječi, koje su radi preglednosti u obrascu navedene u jednom rodu bez diskriminacije, odnose i na muški i na ženski rod.

Član 3. prijedloga Odluke propisuje obavezu ugovornom organu da uz tendersku dokumentaciju prilaže i obrazac izjave, ukoliko zahtijeva jedan ili više dokaza o tehničkoj i profesionalnoj sposobnosti kandidata/ponuđača, a koji se odnose na član 51. stav (1) tač. c), d) i f) Zakona o javnim nabavkama.

Član 4. prijedloga Odluke utvrđuje obavezu kandidata/ponuđača da uz zahtjev za učešće, odnosno ponudu, dostavi popunjen obrazac izjave o ispunjenosti uslova koji su predmet člana 1. Odluke.

Član 5. prijedloga Odluke propisuje prestanak važenja Izjave o ispunjenosti uslova iz člana 51. tač.c), d) i f) (Tehnička i profesionalna sposobnost u postupku nabavke radova) Zakona o javnim nabavkama.

Član 6. Odluke propisuje stupanje na snagu Odluke.

Uvidom u dostavljeni prijedlog Odluke o obliku izjave o ispunjenosti uslova iz člana 51. stav (1) tačke: c), d) i f) Zakona o javnim nabavkama u slučaju ograničenog postupka, pregovaračkog postupka s objavom obavještenja, pregovaračkog postupka bez objave obavještenja o nabavci i takmičarkog dijaloga, Konkurencijsko vijeće je utvrdilo da je isti usaglašen sa odredbama Zakona o konkurenciji.

Ovo mišljenje se temelji na dostavljenom tekstu Nacrta Odluke, te ukoliko isti odstupa od stvarnog stanja, ovo Mišljenje se ne može primijeniti.

Predsjednik

Nebojša Popić

Dostaviti:

- **Naslov**
- **U spis**